



SYARAT – SYARAT PENDAFTARAN HAJI TAHUN 1443 HIJRAH / 2022 MASIHI

Firman Allah Subhanahu Wa Ta'ala dalam surah A-li 'Imraan ayat 97 tafsirnya:

“Dan Allah mewajibkan manusia mengerjakan ibadat haji dengan mengunjungi Baitullah. Iaitu sesiapa yang mampu sampai kepadanya”.

Sabda Rasulullah Shallallahu Alaihi Wassalam yang bermaksud: “Barangsiapa telah mengerjakan haji dan keadaannya tidak bercakap kotor dan tidak fasiq / membuat maksiat, maka kembalilah keadaannya suci daripada dosa seperti keadaannya di hari ia dilahirkan oleh ibunya”

Riwayat Al-Bukhari dan Muslim

TARIKH PENDAFTARAN HAJI TAHUN 1443 HIJRAH

Bermula pada hari Isnin, 01 Jamadilawal 1443 Hijrah bersamaan 06 Disember 2021 Masihi hingga hari Sabtu, 04 Rejab 1443 Hijrah bersamaan 05 Februari 2022 Masihi, Jam 8.45 pagi hingga 12.00 tengah hari.

Pusat-Pusat Pendaftaran:

- i. Ruang Legar, Lantai Bawah Bangunan Tambahan, Kementerian Hal Ehwal Ugama.
- ii. Pejabat Hal Ehwal Ugama di Daerah Belait, Tutong dan Temburong.

Borang permohonan hendaklah dihadapkan dan didaftarkan oleh pemohon atau ketua keluarga pemohon itu sendiri dan bukannya diwakilkan kepada pegawai syarikat pengendali perkhidmatan pakej haji.

Borang permohonan yang telah lengkap diisi berserta dokumen-dokumen yang diperlukan hendaklah dihadapkan ke pusat-pusat pendaftaran yang telah ditetapkan.



A. SYARAT-SYARAT PENDAFTARAN HAJI

1. Pemohon adalah rakyat Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam atau Penduduk Tetap Negara Brunei Darussalam. Warganegara Asing yang berkahwin dengan rakyat Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam atau Penduduk Tetap adalah juga dibenarkan mendaftar.
2. Pemohon belum pernah menunaikan ibadat haji. Bagi pemohon yang pernah menunaikan ibadat haji boleh mendaftar dan diberi pertimbangan tertakluk kepada kekosongan kuota.
3. Pemohon hendaklah berumur 15 tahun ke atas. Bagi yang berumur 15 tahun ke bawah hendaklah mendaftar bersama keluarga.

B. KRITERIA-KRITERIA KELAYAKAN DAN PEMILIHAN

1. **Bagi pemohon yang belum pernah menunaikan ibadat haji. Pertimbangan-pertimbangan akan diberikan kepada permohonan-permohonan berikut :-**
 - i. Pemohon diletakkan dalam senarai menunggu mengikut urutan pendaftaran.
 - ii. Pemohon yang sering terganggu kesihatannya kerana ditakuti tiada kesempatan bagi mereka untuk menunaikan haji di tahun akan datang dan jika berhajat membawa pendamping dikehendaki menamakan seorang pendamping, walau bagaimanapun tertakluk kepada pandangan, nasihat dan pengesahan pegawai perubatan.
 - iii. Pemohon merupakan seorang warga emas yang berumur 60 tahun ke atas dan jika berhajat membawa pendamping dikehendaki menamakan seorang pendamping baginya.
 - iv. Pemohon ingin mengerjakan ibadat haji kerana haji nazar atau haji badal atau haji wasiat.
 - v. Pemohon yang menjadi pendamping / mahram kepada ahli keluarga yang terpilih.



2. Bagi pemohon yang sudah pernah menunaikan ibadat haji. Pertimbangan-Pertimbangan akan diberikan kepada permohonan-permohonan berikut :-

- i. Pemohon diletakkan dalam senarai menunggu mengikut urutan pendaftaran dalam mana senarai pemohon yang berhak dipilih sudah tidak lagi ada.
- ii. Pemohon telah mengerjakan haji semasa masih kecil, kemudian berhasrat / berhajat melaksanakan haji setelah beliau dewasa. Begitu juga pemohon yang telah mengerjakan ibadat haji semasa beliau bertugas sebagai pegawai haji, kemudian berhasrat / berhajat menunaikan ibadat haji.
- iii. Pemohon ingin mengerjakan ibadat haji kerana haji nazar atau haji badal atau haji wasiat.
- iv. Pemohon yang menjadi pendamping / mahram kepada ahli keluarga yang terpilih.

Apa-apa permasalahan yang timbul dari perlaksanaan syarat dan kriteria ini, maka pandangan hukum syara' akan dirujuk.

C. PERKARA-PERKARA YANG PERLU DIPENUHI

1. Pemohon hendaklah mempunyai **Akaun Tekad Haji di Perbadanan Tabung Amanah Islam Brunei (TAIB)** atau **Akaun Simpanan Haji di Bank Islam Brunei Darussalam (BIBD)** atau **Sijil Takaful Haji dan Umrah di Takaful Brunei Keluarga SDN BHD (TBK)** sebelum membuat pendaftaran kecuali :-
 - i. Pengurus dan pegawai-pegawai syarikat pengendali perkhidmatan pakej haji.
 - ii. Pegawai-pegawai Pejabat Urusan Haji (Pentadbiran dan Perubatan).
2. Pemohon wanita hendaklah mempunyai mahram sebagaimana yang terkandung dalam **Panduan Hubungan Mahram**: muka surat 6. Mana-mana pemohon wanita yang tidak mempunyai mahram tidak akan dibenarkan untuk menunaikan ibadat haji. Walau bagaimanapun bagi pemohon wanita yang berumur 45 tahun dan ke atas bolehlah menunaikan ibadat haji secara berkumpulan sekurang-kurangnya 3 orang tertakluk kepada peraturan dan kebenaran pihak Kedutaan Arab Saudi di Negara Brunei Darussalam.



D. PERKARA-PERKARA YANG PERLU DIAMBIL PERHATIAN DAN TINDAKAN SETELAH TERPILIH UNTUK MENUNAIKAN IBADAT HAJI

1. Menjalani pemeriksaan kesihatan dan menjalani suntikan selaput otak dan suntikan-suntikan yang diperlukan dari masa ke semasa. Tarikh pemeriksaan kesihatan akan dimaklumkan kemudian.
2. Mengikuti kursus-kursus haji yang diaturkan oleh Jabatan Urusan Haji, Kementerian Hal Ehwal Ugama. Tarikh dan tempat akan dimaklumkan kemudian.
3. Membuat tempahan gelang tangan dan akan memakainya di Arab Saudi sebagai tanda pengenalan diri jemaah. Tarikh dan tempat bagi penempahan gelang tangan akan dimaklumkan kemudian.
4. Memastikan sahlaku [*Validity*] *passport* yang akan digunakan sekurang-kurangnya setahun sebelum bertolak ke Arab Saudi dan mencukupi tidak kurang 6 keping (12 muka surat).
5. Membuat pembayaran pakej haji terus kepada syarikat-syarikat operator haji yang dibenarkan. Tarikh pembayaran pakej akan dimaklumkan kemudian.
6. Jika berhasrat membatalkan pendaftaran dan pemergian untuk menunaikan ibadat haji hendaklah memaklumkan secara bertulis kepada Jabatan Urusan Haji, Kementerian Hal Ehwal Ugama.
7. Penangguhan untuk menunaikan ibadat haji hanya dibenarkan **SEKALI SAHAJA**.



**Jabatan Urusan Haji
Kementerian Hal Ehwal Ugama
Negara Brunei Darussalam.**

DOKUMEN – DOKUMEN YANG DIPERLUKAN

1. Borang Permohonan Pendaftaran Haji:-

- ✚ 1 keping salinan **kad pengenalan** pemohon.
- ✚ 1 keping salinan **sijil nikah** pemohon.
- ✚ 1 keping **gambar terkini ukuran paspot** pemohon.
- ✚ 1 keping salinan **surat kebenaran daripada mahkamah mengenai pengambilan anak angkat (jika berkenaan)**
- ✚ 1 keping salinan **Akaun Tekad Haji di Perbadanan Tabung Amanah Islam Brunei atau Akaun Simpanan Haji di Bank Islam Brunei Darussalam atau Sijil Takaful Haji dan Umrah di Takaful Brunei Keluarga (TBK)**



TALIAN – TALIAN TELEFON JABATAN URUSAN HAJI, KEMENTERIAN HAL EHWAL UGAMA

Operator	: 2388525 / 2382300/301/302/303/304/305/306/307
Bahagian Pengurusan	: 2384478 (Direct line)
Unit Pendaftaran	: EXT 287
Unit Kurnia Tambang	: EXT 286
Unit Pengendalian Jemaah	: EXT 283 / 284

PANDUAN HUBUNGAN MAHRAM

SEBAB	MAHRAM	BUKAN MAHRAM
NASAB (KETURUNAN)	1. Bapa 2. Datuk dan seterusnya 3. Anak lelaki 4. Cucu lelaki dan seterusnya 5. Bapa saudara sebelah bapa 6. Bapa saudara sebelah ibu 7. Abang seibu sebapa 8. Anak lelaki kepada abang 9. Cucu lelaki kepada abang dan seterusnya 10. Adik lelaki seibu sebapa 11. Anak lelaki kepada adik lelaki 12. Cucu lelaki kepada adik lelaki dan seterusnya	1. Datuk saudara 2. Bapa angkat 3. Anak angkat 4. Sepupu lelaki 5. Saudara tiri
PERKAHWINAN	1. Datuk mertua dan seterusnya 2. Bapa Mertua 3. Menantu lelaki 4. Bapa tiri 5. Anak tiri 6. Cucu tiri dan seterusnya	1. Datuk saudara sebelah suami 2. Bapa mertua tiri 3. Bapa saudara sebelah suami 4. Abang ipar 5. Adik ipar 6. Anak saudara sebelah suami

